



Dam Veng YMA-in Pu Rokunga Hla an sa thiam ber

Branch News

Chanmari West, 18th August, 2013 : Central YMA leh Rokunga Memorial Society tangkawpin an buatsaih Inter Branch YMA Zaipawl intihsiak chu Ni 15.8.2013 (Ninga) khan tluang taka zawh a ni. He intihsiakah hian Branch 35 telin, Dam Veng Branch YMA chu pakhatna an ni.

Branch YMA Zaipawl intihsiak hi Ni 13.8.2013 (Thawhle) khan Pu T Sangkunga, Central YMA President chuan a hawng. Intihsiak hawna inkhawm hi Pu B Rothangliana, Chairman, Cultural Sub-Committee chuan a kaihuai a, Pu Vanneihluanga, Rokunga Memorial Society Treasurer chuan Pu Rokunga chanchin ngaihnawm takin a sawi.

Ni 13 & 14-ah Elimination round neih a ni a, Branch tinin an hla chuam leh hla dang 3 an zir atangin pakhat theuh an sa. Chuta tang chuan a thiam zual Branch sawm thlan leh a ni a, chung Branch-te chu Ni 15-ah inel lehin; chuta tang chuan result kimchang siam a ni.

Ni 15.8.2013 (Ninga) zanah Pu Lalngheta Sailo, Treasurer, Central YMA kaihuaiin intihsiak result puan leh lawmman semna hun

hman a ni. Hetiang hi result kimchang chu a ni:

- 1st - Dam Veng
- 2nd - Aizawl Venglai
- 3rd - Durtlang
- 4th - Kanan
- 5th - Ramthar North
- 6th - Ramhlun South
- 7th - Bungkawn
- 8th - Dawrpui Vengthar
- 9th - Lunglei Bazar veng
- 10th - Leitan

1-na atanga 3-na hian Lawmman tangkafai, Trophy leh Certificate an dawng. 4-na atanga 10-nate hian ₹10,000 theuh an dawng a, tin, he intihsika tel zawng zawng (top 10 a lang phalo) te hian ₹ 5,000 theuh an dawng baw. Dam Veng zaipawl conductor Pu Lalpiangliana chu Conductor tha berah thlan a ni baw.

Rokunga Birth Centenary Inter Branch YMA Zaipawl Intihsiak ni 13-15 chhunga neihah Particiaption Prize ₹ 5000/ Branch Zaipawlten an dawng chu Branch YMA a lawm hle a. Zaipawl member, Conductor, tha leh zung, sum leh pai, lirthei thawhtu zawng zawngte chungah Branch YMA in lawmthu a sawi tak zet.

Ni 10.8.2013 (Inrinni) khan Central YMA remruatna angin Phunchhawngah member 17 te Duty a fehchhuah a ni a, hnatlangte Adviser Pu F.Zosangan a telpui thei chu Branch YMA a lawm hle.

Hollow Guitar Case tha tak mai Pu K Rochungnunga V-Sect.in Branch-ah arawn pe a, Branch YMA in lawmthu a sawi.

Taitesena Section ten Vaivakawn nena inrina Welcome Signboard tha tak mai an siam leh Section huamchhunga Ram leh hnam humhalhna thu ziak leh Faina chungchanga zirtirna tha tak an siam chu Branch YMA in lawmthu a sawi.

Ni 17.8.2013 (Inrinni) tlai khan Vanapa Section-a Foothpath tha tak mai siam zawh tak chu Branch President Pu C.Lalzarlianan hawna a nei a, hna tha taka thawktu Vanapa Section chungah Branch YMA in lawmthu a sawi.

Vanapa Section ten Silver Jubilee Budget ₹ 10000/ an tlak fel ve leh ta a, Section pathumten Jubilee Budget hi tlak tawhin Section pahnhin an la tlak ve lo a ni.

Ni 20.8.2013 (Thawhle) zan hian Branch Executive Meeting koh tum a ni.

MIPUITE HNENA NGENNA

CWBYMA KUMPUNAN SUB-COMMITTEE

1. Khawlaia hmelhriat loh Gas Cylinder pu an awm/hmuhiin zawh fiah zel nise, rinhlelhawmte chu midangte punin finfiah tum hram nise.
2. Mahni chauha ina kan awmin chhung lamah kawngka kalh thin nise, kawngkhar pawn lama kalh theih loh turin Tala khai thin nise.
3. In nghaktu awm lova in kan chhuahsan dawn reng rengin thenawmte hriattir a, lo ngaihsakpui tura ngen thin nise.
4. Thil sual ti kan man reng rengin Police hnena pek hmian khawtlang hruaitu / YMA hruaitute hnenah hriattir nise.
5. A theih hram chuan Inah Pawisa tam tak kawloh hi a him.
6. Ruihhlo zuar nia hriat leh hralh mek kan hmuhiin a ranglama YMA hruaitute phone emaw a hriattir vat thin nise.
7. In a luh leh chhuah paha lak mai theihah Mobile Phone dah loh nise.
8. Tlawm taka thil zawrh hi ruk a nih duh thin avangin lei loh hram nise. Hetiang thil tlawm taka thil zuarte hi kaltir mai lova finfiah thin nise.



TUNKAR CHANGVAWN

In rilru putzia chu tangka ngaiatna tel lo ni rawh se; in thil neih chhun chungahte chuan lungawi rawh u; amah ngeiin, "Engtikahmah ka thlahthlam tawp lo vang chia, kal pawh ka kalsan tawp lo vang che" a ti si a.

Hebrai 13:5

Editorial Board

Editor:	R Lalringheta	9862358337
Joint Editor :	Lalchhandama	9862358347
	J Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K Lalremtuanga	9862119608
Cir. Manager :	Jacob Lalrinsanga	9612319779
Production Manager :	RL Thanhmuna	9436152760

Branch Office Bearer

President	<i>C Lalarliana</i>	9436142049
Vice President	<i>K Darthantluanga</i>	9436196071
Secretary	<i>Zairemmawia</i>	9862385654
Asst. Secretary	<i>RL Thanhnuna</i>	9436152760
Treasurer	<i>R. Lalhmachhuana</i>	9436151817
Fin. Secretary	<i>Lalrinliana</i>	9862581814
Adviser-te :	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

Editorial :

CYMA leh Rokunga Memorial Society tangkawp in a buatsaih Zaipawl intihsiakna zawh fel takah kan Branch YMA pawh nasa takin a inbuatsaih a, chutih rualin thiam ber lawmman chu Branch dang kutah hlan a ni ta a, pakhatna ni ta Branch te an fakawmin keini Branch YMA Zaipawl te pawh he intihsiak avang hian nasa takin hma kan sawn a ni tih hi hre thar ta ila a tha awm e. Kan hma lawk ah hian tih tur hrang hrangin min la hmuak a ni tih hria a, tan lehzual nana kan hman theih chuan he kan inbuatsaihna hi a hlawhtlingah i ngai theuh ang u.

CYMA in a buatsaih tur Hnam lam intihsiakna hma-chhawn turin kan inbuatsaih tan chho leh ta mek a, he hun atan hian member-te thahnemngai taka kan hun leh tha kan pek a pawimawh hle dawn a ni. Kum kalta lamah chuan hnam lamah bik hian 'lam thiam veng' tih kan lo ni fo tawh a, amaherawh chu khawvel thang chho zelah Mizo Hnam lam hian ngaihhlut a hlawhin veng dangte pawhin nasa takin tan an la chho ve mek zel baw a ni tih hriain member-te pawhin he kan Mizo hnam lam hi hlutin tan i la thar leh sauh sauh ang u.

Tunlain YMA chuan Ruih hlo leh Foreigner chung-changah nasa takin hma a la mek a, a bikin ruihhlo pawhin kiam lam a pan zel a ni tih a hriat tawh hle a. A la kiam zel baw ang tih hi ring ila. Keini veng pawh hian tun aia nasa a hetiang lamah hian tan kan lak a ngai hle a ni. A bik takin In luah tur neite hetiang kawngah hian kan pawimawhin kan in luah tu kan thlan danah ah kan chian a ngai hle a ni.

Article**YMA leh Kei**

- Boss Masangte

Chanmari West-a pianga seilian ka ni a, tuna ka awmna hmun N-sect-ah hian kum 1969-ah Chanmari aṅangin kan pem thla. YMA leh YMA AW rawngbawlna lama tun dinhmun ka thlen chhoh dan chanchin tlem azawng kan thai lang ve ang e. Mi tana engtham ni lo mah se, ka tan chuan a hriatremg tlak miao si a.

Kum 2003 aṅangin Neuva section Y.M.A. Committee-ah ka awm ṅan a, kum 2006-a section Y.M.A in circulation manager atan an ruat Tv. Lalhmachhuana(Atea) chuan rokhawlhna avanga a chanvo a chelh theih loh avangin a aiawh tura ruat ka ni a, hei hi YMA AW nena kan inzawm ṅanna a ni ta awm e.

Hemi kum hian ka thawhpuite an fel a, a nuam khawp mai. YMA AW kan chhutna in neitute nupa-Pu Chhuana leh Pi VCHI- te an felin kawm an nuam ṅin khawp mai. Kum tharah pawh Branch Hruait remruatnain chanvote kan insiamrem a, engemaw remchan zawkna avangin YMA AW chhutna hmun chu Cham Cham Store lamah kan insawn a, a dawr neitu Pa Rova a felin a thlengtu nih a tlin thin khawp mai, pa fel tak zawng a lo ni e.

Kum thar hianin thil thar a hring zel a, Pu Dawngtea'n Ramthar lamah min pemsan kum a lo ni baw a, Pa Thara in lamah insawn chhoh a ni a, Pi Sangpuui'n ei leh in min siamsak ṅin a, a chungah kan lawm ṅin khawp mai. Pathara in hi YMA AW chhut nan kum hnih ngawt kan hmang ta nghe nghe.

Kum 2010-ah chuan Pa Thara in atangin Dr Tetea in lamah kan in sawn ta a, YMA AW chhutna hmun in neituten an pasalte an ṅawiawm ṅin ang bawkin Pi Nutei pawhin a pasal leh Editorial Board-te min ṅawiawm ṅin thin khawp mai, zan men lah chu a lo thei phian leh ngal a. Chanchinbu enkawltute thawh hona pawh a ṅa ṅin khawp mai.

Hemi kum hian Tv Atea chu 'V' section News Editor a ni a, (section secretary nilai a ni baw) Tv Mahriata'n (V-sect tlangval em em) chuan a pu hi a rawn ṅawiawm ṅin a, an titi ngaihthlak a nuamin a bengvar thlak ṅin hle. Thu ṅa tinreng min hrih a, an chungah kan lawm ṅin khawp mai. Pu Tetea'n hotu nih a thiam khawp mai a, a bula awm nuam kan ti ṅin khawp mai.

Kum a lo thar a, YMA chuan Pa Thara chu YMA AW Editor thar atan an ruat a, rin aiin min enkawl thiam baw a, a nuam leh pek khawp mai. Hemi kum hian YMA AW chu YMA BUK (T-sect) lamah kan chhu ṅin a, T-section YMA hruaitute'n min rawn ṅawiawm ṅin a, a lawmawm ṅin khawp mai. Kum 2010 leh 2011-ah hian Pu Lalhmachhuana (MCHA) chuan Vaivakawnah dawr a nei a, veng pa tiin kan dawr ta a ni. Kum 2011 ah hian alawm, tlai khat chu YMA AW lam turin dawrah ka va kal a, an khawl an lo siam ṅa a, ka nghak ta a, zing dar 2-ah an siam ṅa thei hram a, khua ka nghak var a, zingah ka sem kual ta a, YMA AW vanga ka tlaivar vawi khatna niin ka hria.

Pu Nanga hun a lo thleng a, Branch hruaitute remruatin T-section buk aṅangin tuna kan chhutna hmunah hian kan insawn ta a. Pu Nanga'n nupui ei siam thiam tak Pi Zaii a lo nei a, an ina kan chhut ṅum chuan kan ei tuin kan hnianghnar thei khawp mai. Kum 2013 chu Tlangval Mangheta leh Pu Chda te Y.M.A. AW lama an kir leh kum a ni a, Pu CHma leh Pu Mapuia te an lo awm ve baw nen, nuam kan tiin kan hlim ṅin khawp mai. Tv Thangkhuma'n (T-a) hmangaihna a chang thar a,,,, a rau thawh dan a zirin kan la ziak zel dawn nia...

Chawngbawla Section

- Ni 14.8.2013 (Nilaini) zan khan Pu Lalrinchhana te inah Committee Meeting an nei.
- Ni 17.8.2013 (Inrinni) khan Kawipuah Zun In siam hnatlang an nei.
- Hnam lam intihsiakna turah section member-te thahnemngai taka lam zir turin an inchah.
- YMA Park-a lirthei zan riaka dah thinte dah tawh lo turin an inhriattir.
- Chhياتni Fund ₹ 58,320 hmuh an beisei laiin ₹ 59,720 lai an hmu a, nu leh pate zarah Chhياتni Fund-a target an khum an khum thei chu an lawm hle.

Khuangchera Section

- Ni 13.8.2013 (Thawhleh) zan khan NI. Lalmuanpuui te inah meeting an nei.
- Section wise hnam lam intihsiakah Pakhatna lawmman hawn saktu, Section aiawha lam zawng zawngte chungah lawmthu an sawi a. Chief Minister Running Trophy atan lam zir chhonzawm leh zel turin an innngen.
- Section huam chhungah Lirthei suasam ching an awm chu pawian ti hle a. Lirthei neitute fimkhur leh zual turin an inhriattir.
- Ni 15.8.2013 (Ning) khan YMA Run-ah hruaitu hnatlang an nei a. YMA RUN thum that hna an zo fel thei chu an lawm hle.
- Nu leh pate thawhpuina zarah chhياتni Fund, YMA AW man leh YMA chanchinbu lakna man an thlak fel thei ta chu an lawm hle.
- Hna thil avanga Silchar -a zin an Asst. Leader Pu HV Lalthavela pawh dam takin a lo haw leh ta.

Neuva Section

- Ni 13.8.2013 (Thawhleh) zan khan Committee an nei.
- Ni 17.8.2013 (Inrinni) zing khan Faina Hnatlang neih a ni a, hruaituten nilengin Property check hnatlang an nei bawk.
- Hlabu dahna Bag tha tak mai Pu Lalzawma, Ex-Leader in section tan a pe chu an lawm hle.
- Branch YMA Zaipawlte Top-10 an kai lo chu pawian ti a, Zaipawl memberte inpekna an chhuang hle.
- Section huam chhungah ruihtheih thil zuar man an nih chuan an chungah zahngaihna lantir an tum lo va, ualau taka ruihtheihthil ti an

hmuh chuan na taka Action lak an tum bawk.

- Vawiin tlai dar 3 hian Pasaltha Neuva Inah inngkhawmin hruaitute Duty tur a ni.
- Leaders' Directory-a hming ziah sual Presbyterian Pastor leh Kohhran Secretary te hnenah ngaihdam an dil a, Pastor - Rev K. Lalmingliana tih leh Kohhran Secretary - Upa Lalmunthianga tia ziah zawk tur a ni e.
- An hruaitu Pu Lalthazuala Pautu pawh eizawna lamah a buai thei hle a, section a rawn luahlum leh thuai an beisei.
- Section lam zir laia Squash tum saktu Tv. Lalmuanpuia Zawngte chungah lawmthu an sawi.

Taitesena Section

- Ni 15.8.2013 (Ninga) khan Welcome Signboard leh Hoarding tarin hnatlang an nei.
- CM Running Trophy hnam lam intihsiaknaa tel tura ruatte thahnemngai taka lam zir thin turin an inhriattir.
- Silver Jubilee Fund chhungtin tena kan thawh tur chu an khawn chho mek zel a, khawntu te'n kan khawn tawh ang pawisa Branch Asst. Secretary Pu R.L Thanhnuna hnena thehlu zel turin an inhriattir.
- Karleh hun remchangah Committee neih tum a ni a, hruaitute hun awl lo insiam turin an inhriattir.

Vanapa Section

- Section-a hnam lam thiam zawng zawngte lam zirnaah thahnemngai taka tel turin an inchah.
- Ni 17.8.2013 (Inrinni) khan nileng hnatlang an nei a, tlaiah Footpath hawna neih nghal a ni.
- Jubilee Fund khawn mekah a la pe remchang lote pe zel turin an innngen.
- Section thutthlenga chhut tur man lova cut saktu Pu C Zonunsanga, Branch Executive member chungah lawmthu an sawi.

Kumpulan Sub-committee

Ni 15.8.2013(Ninga) tlai khan Branch YMA kaihruaiin Neuva Section huamchung Motor Silna velah Duty a ni. Helai hmun hi mitinte vawng thianghlina ruihhlo tih nana hmang lo turin an ngen.

AWMTHAR

- TBC Lalpekthara, Chaltlang atangin Pi Nikhumi in, Vanapa Sect-ah.
- CHlenthanga, Chaltlang atangin Pi Nikhumi in, Vanapa Sect-ah.
- Lalthakimi te chhung, member 3, Muanna veng atangin Pi Nikhumi in, Vanapa Sect-ah.
- John Lalrindika, Khumtung atangin Pu Zomuana in, Khuangchera Sect-ah.
- Zorempuia te chhung, member 5, Khawhai atangin Pu Lalinga te in hnuai, Khuangchera Sect-ah.

DROUGHT TUIMITE TANA THU LAWMAWM

Chanmari West Drought Lover's Club-te chuan 28.8.2013 hian Chanmari West Primary School-ah tournament an buatsaih dawn a, veng chhung mi, drought lama tuimite chu tel vek turin an sawm.

Entry Fee - ₹ 50 (Mi pakhat tan)

1st Prize - ₹ 1000

2nd Prize - ₹ 700

3rd Prize - ₹ 500

Consolation Prize (mi 5 tan)- ₹ 100 theuh.

Entry Fee pekna turte:

1) Pu Zosangliana Ralte - V sect

2) Pu R Lalbiakhluna - T sect

3) Pu B Hrangvela - T sect

4) Pu Lalngaihawma - T sect

Hemi ni hian sawhchiar tuihnai tak siam a ni ang.

GAS CONSUMER-TE HRIATTIRNA

Kan veng chhungah Gas Consumer 270 lai mai hming inang leh Address-inang kan la awm a. Heng consumer te hi cancel sak an nih loh nan Agent-ah tih fel tur a ni a. Consumer 270-te hming list hi Local Council member-tinte hnenah a awm a. Gas Consumer card kengin, list-ah kan tel em tih inenfiah tur a ni.

A chungah consumer te chinfel a ngaih dawn avangin Biakkungi Gas Service-ah Ni 19.8.2013 (Thawhtan) atangin Transfer leh hming thlak a tih theih rih lo tih consumer-te hriattir kan ni e.

Local Council, Chanmari West

LOCAL COUNCIL

☐ PPP Mode (Bawlhhlawh paih) man khawntute term a lo tawp ta a, August thla chhung hian YMA Section hrang hrang 5 (panga) a khawn duh chuan Local Council Chairman hnenah dilna thehluh tur a ni. A khawntu lawmmanah an khawn chhuah aṅanga 25% pek zel an ni ang.

☐ Gas consumer card nei reng reng in an consumer card nen Local Council card issue theih a ni a, Gas i/c Pu H Lalramhluna hnenah in report tur a ni e, hei hian card chuang neite pawh a huam ang.

☐ Ni 22.8.2013 hian vengchhunga NGO hruaitu OB heng YMA, MHIP, Sporting Club, MUP leh Political Party President te theuh meeting neihpui tur a ni a. Heng hruaitute hi hunawl lo insiam tura ngen leh hriattir kan ni e.

☐ NLUP 2nd Phase Industry Deptt atanga thlan te Ni 19.8.'13 (Monday) dar 10:00 am hian DIC Ramhlunah Account bu nen kal vek tura hriattir an ni e.

CWSC VOLLEYBALL

☐ MVA I Division Indoor Championship ni 10-14,9.2013 chhung hian Tuikual Indoor Stadium-ah khel a ni dawn a. Hemi atan hian I Division player-te Indoor-ah Practice ṅan a ni.

☐ Player-te practise ngai pawimawh turin an inchah.

CWSC

☐ Ni 15.8.13 (ninga) zan khan Pu C Zohmingliana (Mahminga) te inah Executive meeting a ni a, 2013 chhunga hmalak tawhnate an thlirho

☐ Nimin zing khan Indoor stadium hnuai Bathroom/ Toilet hruaituten en fel a ni a, a ṅul anga siam ṅat tum a ni.

☐ CWFC te MPL Football Sept thla a ṅan tur khel tura hmalak chhoh mek a ni a, veng chhungah ṅanpuina dilin an rawn kal kual dawn a, veng mite ṅanpuina an ngen tak meuh meuh a, ṅanpuina pe tawhtu zawng zawngte chungah lawmthu an sawi. 3rd Div Team te tun thla tawp a tournament khel turin practice uluk takin an nei mek baw.

☐ Ni Dr Rebecca Lalrinngheti'n (T) football player inhliam te a lo enkawl sak ṅhin a, a chungah Sporting Club in lawmthu a sawi.

BADMINTON

☐ Ni 15.8.2013 (Ninga) khan One Day Tournament neih a ni a, member 23 an tel. Hetiang hi result a ni. Champion - Pu Lalbiakkima Sailo & Tv Lalfakawma; Runner up - Pu Kawlengmawia & Pu J Lalremthanga

☐ One-Day nia eitur tumsaktu Vice President Pu T Bualzika chungah lawmthu an sawi.

☐ September thla hian Coaching neih tur a ni a, Vengchhung mite Coaching kal duhten hruaitute bulah ngaihven theih a ni.

THE LEPROSY MISSION**CHANMARI WEST UNIT**

- # Khawvela Phar awm zawng zawng 60%-70% te hi India rama awm an ni a.
- # Chung mite chuan "LAL ISUA INTIH KHA A CHANCHIN MIN HRILH LEH RAWH" tiin an au fo ṅhin a.
- # Tuna i ṅhuthmun aṅang khan he kohna aw hi i chhang thei a sin.
- # I sum/Pawisa tlemte i lo pek ve ṅhin avang khan....Phar natna veitu mi tam takte'n tisa leh thlarau damna an lo chan phah tawh a ni.
- # Tunah hian Phar natna veitute'n i ṅanpuina an lo nghak leh mek a.
- # The Leprosy Mission, Chanmari West Unit hruaitut'en an rawn khawn leh dawn a.
- # Thahnemngai takin, i sum/ Pawisa hmangin phar natna veitu, mi khawngaihthlak tak takte hnenah "CHANCHINTHA HRIL LEH RAWH LE !"
- # "Ka duh e.... Lo thianghlim tawh ang che..."

Matthaia-8:3

CHHUNGTIN MAMAWH

Puan\hui khawl, puan eng chi pawh \hui thei turin kan siam thei reng e.

Gas Stove chak lo, seam-a thi, herh sak, leak, kan siam thei reng baw.

Phuan\hui khawl chhia pawh kan lei duh reng e.

Mamawh i nei chuan min han phone la, kan rawn pan mai dawn che nia.

Save rawh le - LH Chawngthu
☎ 9612322639. (3-1)

INENTIRNA LEH THISEN, ZUN ETC. EXAMNA.

Chanmari West leh Chanmari inrina lai Pu Zakunga Building Opposite-ah MEDICINE DOCTOR thiam tak zing dar 10:00 aṅanga tlai dar 4:00 thleng inentir theih a ni ta e.

Thisen, Zun leh Ek engtiklai pawhin kan exam thei baw e.

Teens for Aizawl Pharmacy Chanmari.

Opp. Pu Zakunga Building
Contact - 9612165853 (2-1)

INHLAWHNA HLAWK

Sunday chanchinbu Zalen Agent/Semtu duh a ni
A lak man thla khat-ah ₹ 40/- (Sunday vawing pawh nise) zingkar chauh sem.

pe.

Copy - 100-ah ₹ 1000/- (With Bonus)

Copy - 200-ah ₹ 2000/- (With Bonus)

Mi rinawmte tan a sem theih a, sum hnar ṅha tak a ni.

Branch/Section/Group - YMA/ KTP/SAY/PYD leh mimal tam takin inhlawh nan hmangin, an hlawkpui mek a ni.

Biaksanga Building, New Avenue, Treasury Square (2-2)

**Aizawl Drug Store
Vaivakawn**

Doctor specialist (general surgeon) rawn duh tan, thawhtanni atanga inrinni thlengin zing dar 7 atangin inentir theih a ni. (2-2)